

Conquistores equitum vel peditum.

Kriegsräht vnd Musterherrn.

Millibus è multis homines conquirimus aptos,
Ad certamen atrox, & graue Martis opus.
At tenera siquidem lanugine bella sequuti,
Nouimus ancipites sortis obire vices.
Fortia delectu dum cogimus arma superbo,
O procul hinc lites, & fauor esto procul.
Eligimus vigili quia corde fideliter omnes,
Quos Amor in pugnas, atq; iuuenta rapit.
Barbarus aduersis ubi Turca cohortibus instat,
Consulit in medium tempore quisq; suo.

Præfectus Cybarijs.

Der Prouiantmeister.

Dulcia ieiunij aduecto cibaria castris,
Exhaustas vires quæ reparare queunt.
Omnibus & potum quoq; fercula largior idem,
Atq; cibum pediti cuiq; ministro suum.
E varijs ferri regionibus omnia curo,
Commoda militibus quæ fore duco meis.
Dummodo non duris nos aspera rebus egestas
Urgeat, aut capta sæuiat vrbe fames.
Sollicitus numerum dextra subduco fideli,
Vt cito suppeditem quicquid abesse puto.
Cadu-